

ÁKVÖRDUN SAMEIGINLEGU EES-NEFNDARINNAR
nr. 104/2000

frá 30. nóvember 2000

um breytingu á II. viðauka (Tæknilegar reglugerðir, staðlar, prófanir og vottun)
við EES-samninginn

SAMEIGINLEGA EES-NEFNDIN HEFUR,

með hliðsjón af samningnum um Evrópska efnahagssvæðið, eins og hann var aðlagður með bókun um breytingu á samningnum um Evrópska efnahagssvæðið, er nefnist hér á eftir samningurinn, einkum 98. gr.,

og að teknu tilliti til eftirfarandi:

- 1) II. viðauka við samninginn var breytt með ákvörðun sameiginlegu EES-nefndarinnar nr. 72/2000 frá 2. október 2000⁽¹⁾.
- 2) Tilskipun Evrópuþingsins og ráðsins 2000/4/EB frá 28. febrúar 2000 um breytingu á tilskipun ráðsins 74/60/EBE um samræmingu laga aðildarríkjanna varðandi innréttingar vélknúinna ökutækja (innri hluta farþegarýmis nema innri baksýnispegla, skipulag stjórnrofa, þak eða renniþak, bakstoð og afturhluta sæta)⁽²⁾ skal felld inn í samninginn.
- 3) Tilskipun Evrópuþingsins og ráðsins 2000/7/EB frá 20. mars 2000 um hraðamæla fyrir vélknúin ökutæki á tveimur eða þremur hjólum og um breytingu á tilskipun ráðsins 92/61/EBE um gerðarviðurkenningu á vélknúnum ökutækjum á tveimur eða þremur hjólum⁽³⁾ skal felld inn í samninginn.
- 4) Tilskipun Evrópuþingsins og ráðsins 2000/8/EB frá 20. mars 2000 um breytingu á tilskipun ráðsins 70/221/EBE um samræmingu laga aðildarríkjanna varðandi eldsneytisgeyma fyrir fljótandi eldsneyti og undirakstursvörn á vélknúnum ökutækjum og eftirvögnum þeirra⁽⁴⁾ skal felld inn í samninginn.
- 5) Í kjölfar aðildar Austurríkis, Finnlands og Svíþjóðar að Evrópusambandinu er nauðsynlegt að breyta aðlögunarliðnum við tilskipun ráðsins 92/61/EBE frá 30. júní 1992 um gerðarviðurkenningu á vélknúnum ökutækjum á tveimur eða þremur hjólum⁽⁵⁾.

⁽¹⁾ Stjtið. EB L 315, 14.12.2000, bls. 7 og EES-viðbætur við Stjtið. EB nr. 59, 14.12.2000, bls. 7.

⁽²⁾ Stjtið. EB L 87, 8.4.2000, bls. 22.

⁽³⁾ Stjtið. EB L 106, 3.5.2000, bls. 1.

⁽⁴⁾ Stjtið. EB L 106, 3.5.2000, bls. 7.

⁽⁵⁾ Stjtið. EB L 225, 10.8.1992, bls. 72.

ÁKVEÐIÐ EFTIRFARANDI:

1. gr.

Eftirfarandi undirliður bætist við í 4. lið (tilskipun ráðsins 70/221/EBE) í I. kafla í II. viðauka við samninginn:

„- **32000 L 0008:** Tilskipun Evrópuþingsins og ráðsins 2000/8/EB frá 20. mars 2000 (Stjtið. EB L 106, 3.5.2000, bls. 7).“

2. gr.

Eftirfarandi undirliður bætist við í 13. lið (tilskipun ráðsins 74/60/EBE) í I. kafla í II. viðauka við samninginn:

„- **32000 L 0004:** Tilskipun Evrópuþingsins og ráðsins 2000/4/EB frá 28. febrúar 2000 (Stjtið. EB L 87, 8.4.2000, bls. 22).“

3. gr.

Lið 45f (tilskipun ráðsins 92/61/EBE) í I. kafla í II. viðauka við samninginn skal breytt sem hér segir:

1. Eftirfarandi bætist við:

„eins og henni var breytt með:

- **32000 L 0007:** Tilskipun Evrópuþingsins og ráðsins 2000/7/EB frá 20. mars 2000 (Stjtið. EB L 106, 3.5.2000, bls. 1).“

2. Færslur fyrir Austurríki, Finnland og Svíþjóð í fyrsta, öðrum og sjötta undirlið í aðlögunarliðnum falli niður.

4. gr.

Texti tilskipana Evrópuþingsins og ráðsins 2000/4/EB, 2000/7/EB og 2000/8/EB á íslensku og norsku, sem verður birtur í EES-viðbæti við *Stjórnartíðindi Evrópubandalaganna*, telst fullgiltur.

5. gr.

Ákvörðun þessi öðlast gildi hinn 1. desember 2000, að því tilskildu að allar tilkynningar samkvæmt 1. mgr. 103. gr. samningsins hafi verið sendar sameiginlegu EES-nefndinni(*).

6. gr.

Ákvörðun þessi skal birt í EES-deild og EES-viðbæti við *Stjórnartíðindi Evrópubandalaganna*.

Gjört í Brussel 30. nóvember 2000.

*Fyrir hönd sameiginlegu EES-nefndarinnar
Formaður*

G. S. Gunnarsson

*Ritarar
sameiginlegu EES-nefndarinnar*

P. K. Mannes

E. Gerner

(*) Engin stjórnskipuleg skilyrði gefin til kynna.